

Des Durchleuch-  
 tigsten Hochgebornen Fürsten vnd  
 Herrn/ Herrn Augusti Herzogen zu Sachsen  
 des heiligen Römischen Reichs Erzmarschalck vnd  
 Churfürsten/ Landgraffen in Döringen/ Marggraffen  
 zu Meissen/ vnd Burggraffen zu Magdeburg etc.  
 Unsers Gnedigsten Herrn Rescriptum vnd  
 befehl/ wider die aufflauff vnd  
 allerley empörung.

**I**n Gottes gnaden wir Au-  
 gustus Herzog zu Sachsen/ des hei-  
 ligen Römischen Reichs Erzmarschalck  
 vnd Churfürst / Landgraff in Döringen/  
 Marggraff zu Meissen vnd Burggraff  
 zu Magdeburg/ fügen hiermit zu wissen/ euch Rectorn/  
 Magister vnd Doctorn vnserer Vniuersitet zu Witten-  
 berg / vnd allen andern/ wes gradus oder Standes die  
 sind / so sich in derselben vnser Vniuersitet enthalten/  
 vnd derer Privilegien vnd Freyheiten zu gebrauchen ver-  
 mögen / Das vns beschwerlichen vorkomet vnd anges-  
 bracht wird / wie ungeachtet vnserer hiebeuor ausges-  
 gangener ernstliche Mandaten vnd befehlichen / densel-  
 ben zuwider etliche sich mit vnterschleiffen / vnd für  
 Studiosos ausgeben/ so sie doch die nicht sind noch sein  
 wollen / Sondern alleine mutwilligen Tumult anzu-  
 richten vnd zuerwecken / vnd zuverunruhigung der an-  
 dern lust haben.

Vnd ob gleich derselben etliche in der zal vnd na-  
 men derer/ so studieren sollen / mit zugelassen vnd ein ge-  
 schrieben weren / So sollen doch dieselben iren Precep-  
 toribus